

**Ekonomski fakultet  
u Sarajevu**

Broj: 02-5643/2021  
Sarajevo, 09. 11. 2021. godine

Na osnovu člana 120. i 135. Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21), člana 104. i 214. Statuta Univerziteta u Sarajevu i odredbi Pravilnika o dodjeli počasnog zvanja profesor emeritus Univerziteta u Sarajevu, na prijedlog Vijeća Ekonomskog fakulteta od 09. novembra 2021. godine, i uz prethodno dostavljeno stručno mišljenje Rukovodioca Službe za pravne i personalne poslove, donosim prijedlog

**ODLUKE**

Da se Kreso dr. Seadu, penzionisanom redovnom profesoru Ekonomskog fakulteta Univerziteta u Sarajevu, dodijeli počano zvanje profesor emeritus Univerziteta u Sarajevu.

**O b r a z l o ž e n j e**

Prof. dr. Sead Kreso spada u red istaknutih univerzitetskih nastavnika i stručnjaka iz područja Monetarne i fiskalne teorije i politike i Finasijskih tržišta i institucija. Rođen je 30. 09. 1954. godine u Sarajevu, gdje je završio osnovnu školu, gimnaziju i studije na Ekonomskom fakultetu u Sarajevu. Diplomirao je 1977. godine (mentor prof. dr. Dražena Tomljanović). Iste godine se upisuje na postdiplomske studije iz Monetarne ekonomije na Ekonomskom fakultetu u Beogradu.

Decembra 1978. godine izabran je za asistenta na Ekonomskom fakultetu u Sarajevu na predmetu Finansije. Magistarski rad „Teorija svjetske inflacije“ (mentor prof.dr Milutin Ćirović) odbranio je 1984. godine na Ekonomskom fakultetu u Beogradu, a doktorsku disertaciju „Svjetska kapitalistička privreda i svjetska inflacija“ (mentor akademik prof. dr Ivo Perišin) februara 1990. godine na Ekonomskom fakultetu u Zagrebu i stekao akademski stepen doktora društveno-humanističkih znanosti iz područja ekonomije. Iste godine je izabran u zvanje docenta.

Pored redovnog rada na Ekonomskom fakultetu, od maja 1991. godine bio je angažiran kao član Savjeta Narodne banke Bosne i Hercegovine. Agresija na R BiH aprila 1992. godine zatekla je zemlju potpuno nespremnu u oblasti novčanog i bankarskog sistema, te je dobio priliku da od početka rata bude angažiran u funkciji savjetnika za pitanja monetarno-kreditnog sistema u NB BiH u timu koji je radio na utemeljenju novca R BiH. Ova aktivnost se sastojala od angažmana na stvaranju teoretskog koncepta i praktičnih proračuna neophodnih za utemeljenje bosanskohercegovačkog dinara, kao i izradi seta zakona iz domena finasijskog sistema koji su bili neophodni za stvaranje odgovarajućeg pravnog okvira za utemeljenje vlastitog novca. Istovremeno je bio i član Ekonomskog savjeta Republike Bosne i Hercegovine.

Na ovim funkcijama bio je angažiran do izbora za Ministra finansija u Vladi R BiH krajem oktobra 1993. godine, sa mandatom do jula 1994. godine. Kao Ministar finansija R BiH ponudio je Vladi koncept reforme monetarnog sistema u ratnim uslovima i utemeljenje bivalentnog novčanog sistema zasnovanog na fiksnom kursu BHD-DEM koji je bio osnov za prevazilaženje ratne hiperinflacije godinu i po prije okončanja rata. Ovaj svoj rad prezentirao je javnosti u objavljenoj monografiji „Novac Bosne i Hercegovine – Od bosanskohercegovačkog dinara do novog novca BiH“.

Po okončanju funkcije Ministra finansija, angažiran je kao direktor Agencije za međunarodnu saradnju u obnovi i razvoju R BiH (AICReD – Agency for International Cooperation for Reconstruction and Development). Na ovom mjestu bio je aktivni učesnik razvoja sistema recepcije međunarodne pomoći za obnovu i razvoj BiH, a posebno prezentacije mogućnosti i potreba Bosne i Hercegovine kod Svjetske banke i Međunarodnog monetarnog fonda. Ovo je bio osnov i za njegovo intenzivno angažiranje u pripremama za Donatorske konferencije za obnovu i razvoj BiH održane u Briselu 20.-21.12.1995. i 12.-13.04.1996. godine, posebno u stvaranju baze podataka koja je sadržavala relevantne informacije o potencijalnim projektima i investitorima, kao i neophodnim sredstvima.

Uvjeren u izuzetan značaj konkretnih aktivnosti kod prezentacije mogućnosti BiH međunarodnoj zajednici, još u vrijeme odvijanja ratnih operacija, sa timom stručnjaka vršio je selekciju, odobravanje i kontrolu finansiranja određenog broja investicionih projekata na tada dostupnim slobodnim teritorijama, a iz sredstava povjerenih Agenciji septembra 1995. godine. Uspješan završetak ove aktivnosti i jasna predodžba o izuzetnom značaju finansijskih institucija osposobljenih za ovu vrstu aktivnosti, prirodno ga je vodila da bude jedan od kreatora, a putem Agencije i osnivač Banke za obnovu i razvoj (BOR BiH), od čijeg se osnivanja nalazio na mjestu Predsjednika, a zatim člana Upravnog odbora do kraja 2001. godine. Ovakvu profesionalnu usmjerenost nastavio je i u funkcijama člana Upravnog/Nadzornog odbora Federalne Investicione banke, predsjednika Odbora za reviziju Tuzlanske banke i člana Nadzornog odbora Bosnia Bank International, te člana Upravnog odbora Privredne/Gospodarske komore FBiH.

U periodu 1998- 2001. godine je bio član ekspertnog tima Centralne banke Bosne i Hercegovine. Kasnije, bio je angažiran kao Rukovodilac tima Konsultanta Vlade FBiH za odabir strateškog partnera za ulazak u BH Steel željezara Zenica; u kasnijoj fazi Član Komisije Vlade FBiH za pregovore i pripremu Ugovora sa strateškim partnerom za BH Steel Željezara Zenica, Sarajevo – Zenica, 2004/2005.godine, te član Komisije Vlade FBiH za pregovore i pripremu Ugovora sa strateškim partnerom za Energopetrol d.d. Sarajevo, Sarajevo, 2005. godine.

Od novembra 1997. do konca jula 2002. godine, u dva mandata obavljao je funkciju Dekana Ekonomskog fakulteta Univerziteta u Sarajevu. U ovom periodu na Fakultetu je rješavan jedan broj esencijalnih pitanja, posebno u materijalnoj, kadrovskoj i organizacionoj sferi rada, a u smislu stvaranja preduslova za radikalno prestrukturiranje nastavnih planova i prelaska na kreditni sistem u procesu obrazovanja - ECTS. Odgovarajuće organizaciono ustrojavanje Fakulteta omogućilo je kako njegovu finansijsku stabilnost i rast, tako i veoma dobre rezultate u naučno-istraživačkoj oblasti, razvoju izdavačke djelatnosti, podizanju tehničko-tenološke osnove rada kroz razvoj informatičkih laboratorija i moderno opremljene biblioteke, te ukupnoj promociji Fakulteta na domaćem planu i kroz saradnju sa brojnim međunarodnim akademskim i drugim institucijama.

Od septembra 2002. do septembra 2004. godine obavljao je dužnost direktora Instituta Ekonomskog fakulteta. Također, od tog vremena do odlaska u penziju 30. 09. 2021. godine obavljao je dužnost Rukovodioca Katedre za finansije.

U nastavnim aktivnostima predano je i redovno izvršavao svoje obaveze na Ekonomskom fakultetu u Sarajevu, ranije u okviru izbora na predmetu Finansije i više povjerenih predmeta, a u posljednje vrijeme u oblasti Finansije, posebno na predmetima Monetarne finansije, Javne finansije, Finansijska tržišta i institucije, Komparativni poreski sistemi, kao i ostalim aktivnostima, naročito u okviru Katedre za finansije i Nastavno-naučnog vijeća Ekonomskog fakulteta i Doktorskog vijeća, ranije i Vijeća postdiplomskog sudija. Pored toga dugi niz godina bio je nosilac predmeta Finansijska tržišta na postdiplomskim studijama Ekonomskog fakulteta Sarajevo, a od uvođenja bolonjskog sistema nastave na drugom ciklusu bio je nastavnik na predmetima Fiskalna strategija i Monetarna strategija. Na zajedničkom magistarskom studiju Ekonomskog fakulteta i Fakulteta političkih nauka Univerziteta u Sarajevu bio je nastavnik na predmetu Javne finansije, a od pokretanja MBA programa Poslovno

aktuarstvo na Ekonomskom fakultetu bio je nastavnik na predmetu Analiza imovine i investiranje zajedno sa prof. dr Muharemom Karamujićem. Sa prof. Karamujićem, uz intenzivnu i nepodijeljenu podršku Fakulteta, neposredno je angažiran na pripremi i pokretanju MBA programa Primijenjene finansije – Nekretnine, koji je u cjelosti bio prenesen sa The University of Melbourne, Melbourne, Victoria i pokrenut na Fakultetu u ljetnom semestru 2011 - 2012. školske godine. U svim ovim aktivnostima, kao posebno važno i značajano, uvijek je vidio njegovo angažiranje i kontinuiran rad na podizanju doktora nauka, magistara nauke i struke, kao i dosljedno insistiranje na efikasnijem i stalnom angažiranju studenata u istraživanju iniciranom pitanjima iz nastavne materije i prakse, te njihovom aktivnom sudjelovanju u nastavnom procesu na predmetima koje sam vodio.

Međunarodnu saradnju Ekonomskog fakulteta oduvijek je smatrao najvišim prioritetom rada. U skladu sa ovakvim opredjeljenjem u toj oblasti bio je aktivan čitav svoj radni vijek, a posebno u poslijeratnom periodu kad je Fakultet imao gotovo petogodišnju izvanrednu saradnju sa Loyola University Chicago (1997-2002.godine) sa ciljem da se poveže na način da se izdaju zajedničke diplome o završenom studiju ekonomije, a zatim u intenzivnoj saradnji sa Otto-Friedrich University Bamberg, Njemačka nakon 2000-te godine, gdje je u mreži od pet univerziteta (u pojedinim godinama čak sedam) održano deset godišnjih skupova za promociju i prezentaciju radova asistenata/doktoranata (sa EFSA je učestvovalo 13 asistenata/viših asistenata i objavilo 17 radova od 2004. do 2010. godine) u Bambergu, Budimpešti, Sarajevu, Tirani, Tetovu/Skoplju.

Na osnovu izloženog, Vijeće Ekonomskog fakulteta je na sjednici održanoj 09. novembra 2021.godine donijelo odluku, kojom se predlaže Senatu Univerziteta u Sarajevu da profesoru Kreso dr. Seadu dodijeli počasno zvanje profesor emeritus.



DEKANESA  
Prof. dr. Jasmina Selimović

Akt obradio: Jasmina Bajrektarević, poslovni katedarski rukovodilac

Akt kontrolisao: Hadis Šuvalija, rukovodilac Službe za pravne i personalne poslove

Akt odborio: prof. dr. Eldin Mehić, prodekan za nastavu i međunarodnu saradnju

Dostaviti:

- Senat Univerziteta
- Pravni fakultet u Sarajevu
- Fakultet političkih nauka u Sarajevu
- Vijeće Fakulteta
- Arhiva